




393  
94



## QUÆSTIO MEDICA.

QUOD LIBETARIIS DISPUTATIONIBUS  
manè discutienda in Scholis Medicorum die Jovis  
decimâ-octavâ Novembris.

M. RAPHAËLE MAURIN, Doctore  
Medico, Præsîde.

*An Cortex Peruvianus febrium acceſſionem discutiat  
attenuando?*

I.

VARIÏ & impuri in corpore nostro ſtagnant humores,  
qui ſenſim pravâ viſceris alicujus diatheſi cumulati, in imis  
corporum viſceribus deliteſcunt, donec aliquâ cauſâ ex-  
ternâ aut internâ perciti ſuſcitantur. Diverſæ inſunt illis qualita-  
tes. Bilioſi calidam & ſiccâ, pituitoſi frigidam & humidam obti-  
nent temperiem, melancholici frigidam & ſiccâ. Suas habent  
periodos ſuaſque exacerbationes, quæ ſapè certo ordine recur-  
runt, aliquandò ſine typo ægrotantes invadunt. Nunc æſtuate  
cælo alget æger, interdum ambiente frigidiffimo excandeſcit. Tot

mutationum causa contentus extra majora vasa humor exiit, qui pro ingenitâ propriâque naturâ motus, vel quantitate aut qualitate peccans, functiones naturæ depravat aut intercipit. Spiritus penes quem est in humores dominium, & cujus beneficio coctiones absolvuntur, latitantem in foco pravam humorem laceffit, atque cum copiosus est & firmus, hostem fortiter impetit, debellat; At ubi languet & flaccesit, tunc humor naturâ gravis atque insensus, insurgit ferocius quoquoversum, præceptusque ruit quâ data porta. Interim spiritus partibus exterioribus derelictis internas occupat, cum tetro illo humore dimicat, quem paulatim attenuando resolvit, forasque protrudit. Sed cum tantam humoris copiam natura nequeat evincere, ars subsidio venit, præcaverique semper ne lateat doloso cineri ignis suppositus, extincta enim parum fideliter incendia majori flammâ reviviscunt.

## I I.

**P** A R O X Y S M U S qui eodem tempore, certâque periodo singulis alternisve diebus, aut duobus interjectis recurrit, contumacem, diuturnumque morbum significat. Humor qui eum profert, compactæ substantiæ, altiusque incuneatus est. Febris præsertim Quartanæ author, limus & fæx sanguinis, talis est. Substantiæ enim terrestris cum sit, partibusque constet sibi coherentibus, lentus moratur, longoque motus intervallo, ægrè duntaxat dissolvi potest. Bilis quæ tenuis est, etsi siccâ involvatur substantiâ, levi motu se se expedit, alternis diebus naturam adoritur, citius movetur, quàm succus melancholicus. Pituita promptius exagitur, cujus molles partes facilè divise secernuntur. Interim ab ejusmodi febrilibus succis, cum intus collecti fermentescunt, spirituum motum tantisper sisti, frigus invehi, illorum acredine, membranis quæ invicem compatiuntur, laceffit, horrorem incuti, ac tandem expanso calore, accessionis solutionem sudore, aut dejectione biliosâ criseos æmulâ, vel insensili transpiratione sequi vides.

## I I I.

**S** E D vis de gradu dejici febrem cum iniquo apparatu præsto sit, nec tamen intempestivè sumendus cortex Peruvianus. Is calidus & siccus, insigni partium tenuitate gaudet. Ab amarore primarum qualitarum sobole, roborandi virtutis com-

pos est; quo nomine ventriculum in primis juvat, ac hepar, cuius adyta subit. Senibus ne dicam, aut causariis, sed omni ætati tamquam conveniens medicina laudatur, quoties vexat febris præsertim interpolata. Attamen vorax est, quid tum, si cibum jubes interponi? Tunc enim in alimento optimum erit medicamentum, quod chylo sanguinique ipsi mox permixtum, nullibi non penetrans frigidum humorem foco coercitum incidit; quisquis majoribus vasis vel musculis superest, protrudit; lentum, viscidum, concretum comminuit, qui tenuis factus abit in auras vel in sudores solvitur, maximo naturæ laborantis commodo.

## I V.

**D**UM hæc præstat liber febrifugus, cave ab eo humorem figi, porosve constipari putes. Calida ex se succorum crassitinem comminuunt, nec usquam compingere nata sunt, adeoque si quod tenuius est, exhalat; Quidquid etiam superest, aut residere posset, loco moveri cogitur, quoties adjuncti caloris ope illud idem *ζυμῶται*? Nullus itaque vasorum osculis infarctus humor relinquitur, aliàs obdurefcens diuturnitatem, quidni & schirrum afferret innocens cortex. Tantum abest, faciles redditi atque velut è suis, quibus adhærescebant mordicis, cuniculis evocati humores, medicamenti motum sequuntur. Hac in re ars antecellit, quæ sic collapsas ægrotantis vires erigit, eoque tutius morbum fugat, quò sedulus naturæ imitator Medicus, humorem quò vergit, ducere, ac quomodo decet, tempora magis captare novit, ut ille per convenientes locos secedat.

## V.

**F**EBRES quæ intermittunt, & statis periodis sæviunt, periculo vacant; quæ sine intermissione torquent cum rigore aut horrore, periculi plenæ, maxime si fiant comatosæ. Immo licet illarum vigor plenam excipiat *ἀνυπεξίαν*, si tamen veterno, admixtisve depravatis motibus convulsivis ægri capiuntur, penè conclamatum esse aliquis diceret, nisi cum horror rigorve febrem præcesserit, obviàm eas adhibito Peruviano pulvere. Ægris optimè consuletur, si catharsis, si venæ sectio præmissæ fuerint. Attamen illa, seu solitaria, seu maceratis unâ cortice atque catharticis, forsan seipsâ major, feret omne punctum, quoties ex

4

intervallis, dum propinatur, vino vel aquis infusa Kinakina, cras-  
samento eluendo adhibebitur: sic enim hinc deleto prorsus  
igne, & inde sublatis radicibus morbi crassioribus reliquiis pristi-  
nae sanitati aegrotum restitui videas procul ab omni recursus dis-  
crimine.

*Ergo Cortex Peruvianus febrium acceptionem discurit  
attenuando.*

Domini Doctores disputaturi.

*M. Franciscus le Rat.*

*M. Ludovicus Labbé.*

*M. Andreas Enguehard.*

*M. Franciscus Girard.*

*M. Iosephus Thomasseau.*

*M. Ludovicus Poirier.*

*M. Ioannes Garbe.*

*M. Paulus Courtois.*

*M. Guillelmus Petii.*

Proponebat Parisiis MICHAEL PICHONNAT, Stampanus,  
Baccalaureus Medicus. A. R. S. H. 1683,

---

Apud Franciscum Muguet, Regis & Facultatis Medicinæ  
Typographum.